



Broj: 13-11-4-5435/26
Sarajevo, 3.09.2026. godine

Na osnovu člana 70. stav (4) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o poništenju postupka javne nabavke

I

Poništava se postupak javne nabavke roba „Nabavka opreme za Službu za spašavanje sa visina“.

II

Za izvršenje ove Odluke zadužuje se Služba za zajedničke poslove Općine Novo Sarajevo.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

IV

Ovom Odlukom stavlja se van snage Odluka o izboru najpovoljnijeg ponuđača broj: 13-11-4-5435/26 od 13.08.2026. godine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-5435/26 od 22.05.2026. godine.

Procijenjena vrijednost javne nabavke sa PDV-om je: 30.000,00 KM (slovima: tridesethiljada i 00/100 konvertibilnih maraka).

Obavještenje o javnoj nabavci broj: 935-1-1-92-3-174/26 objavljeno je na Portalu javnih nabavki dana 08.07.2026. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-6855/26 od 10.07.2026. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da su do dana 28.07.2026. godine, pristigle ponude sljedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	NEXIS d.o.o. Sarajevo	29.999,97 KM
2.	FIRE TRADE d.o.o. Srebrenik	29.951,29 KM
3.	AQUA BALKAN d.o.o. Konjic	29.999,97 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Komisija za javne nabavke roba, radova i usluga je izvršila analizu cijene ponude ponuđača NEXIS d.o.o. Sarajevo o, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču NEXIS d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača NEXIS d.o.o. Sarajevo nakon ispravke računске greške ostala je nepromjenjena, jer se ista odnosila na rekapitulaciju ukupne ponuđene cijene koja iznosi 29.999,97 KM sa PDV-om.

Ponuda ponuđača FIRE TRADE d.o.o. Srebrenik je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača NEXIS d.o.o. Sarajevo Komisija je ocijenila kao **nepravilnu** iz sljedećeg razloga:

Ugovorni organ je tačkom 8.2.1. tenderske dokumentacije u napomeni zahtijevanog Aneksa broj 1 navedeno da su ponuđači dužni dostaviti popunjen, potpisan i ovjeren sadržaj ponude od strane ponuđača.

Ponuđač NEXIS d.o.o. Sarajevo je na stranici broj 2 ponude dostavio popunjen Aneks 1 – Sadržaj ponude, a koji nije potpisan i ovjeren od strane ponuđača.

Iz naprijed navedenog razloga, ponuda ponuđača NEXIS d.o.o. Sarajevo se nije mogla uzeti u dalje razmatranje.

Ponudu ponuđača AQUA BALKAN d.o.o. Konjic Komisija je ocijenila kao **neprihvatljivu** iz sljedećeg razloga:

Ugovorni organ je tačkom 7.4.1. a) zahtijevao uspješno iskustvo u realizaciji najmanje 1 (jednog) ugovora koji se odnosi na predmet nabavke, u posljednje 3 (tri) godina računajući od dana objave Obavještenja o predmetnoj javnoj nabavci, ili od datuma registracije, odnosno početka poslovanja ako je ponuđač registrovan odnosno počeo sa radom prije manje od 3 (tri) godine.

Ponuđač je u cilju dokazivanja uslova iz tačke 7.4.1. a) dostavio Potvrdu o uspješnoj realizaciji ugovoreni obaveza po Ugovoru „Nabavka opreme za opremanje štabova, službi, jedinica i povjerenika civilne zaštite“, izdatu od strane Općine Novi Grad Sarajevo, dana 02.10.2024. godine.

Ugovorni organ je od ponuđača u skladu sa članom 48. stav (5) Zakona o javnim nabavkama zahtijevao pojašnjenje dostavljenih referenci.

Ponuđač AQUA BALKAN d.o.o. Konjic je dostavio pojašnjenje iz kojeg nije vidljivo da je u sklopu uspješno realizovanog ugovora zaključenog sa Općinom Novi Grad Sarajevo, izvršena isporuke opreme koje je predmet nabavke.

Predmet nabavke je u konkrentnom slučaju bila nabavka opreme za Službu za spašavanje sa visina, odnosno oprema specifikirana Aneks 3 Obrasca za cijenu ponude.

Iz naprijed navedenog razloga, ponuda ponuđača AQUA BALKAN d.o.o. Konjic se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	FIRE TRADE d.o.o. Srebrenik	29.951,29 KM

Komisija za javne nabavke roba, radova i usluga je jednoglasno predložila Općinskoj načelnici da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, te da se ponuđaču FIRE TRADE d.o.o. Srebrenik dodijeli Ugovor, čija ponuda je ocijenjena kao najpovoljnija, na osnovu kriterija najniže cijene, u ukupnom iznosu ponude od 29.951,29 KM (dvadesetdevet hiljada devetstoinapadesetjedna i 29/100 konvertibilna marka) sa PDV-om.

Odlukom o izboru najpovoljnijeg ponuđača broj: 13-11-4-5435/26 od 13.08.2026. godine, Općina Novo Sarajevo za najpovoljnijeg ponuđača izabrala je ponuđača FIRE TRADE d.o.o. Srebrenik.

Dana 31.08.2026. godine ponuđač FIRE TRADE d.o.o. Srebrenik. je dostavio obavijest da nije u mogućnosti dalje učestovati u postupku javne nabavke zbog ekonomske isplativosti.

Također, navedeni ponuđač je propustio da u ostavljenom roku od 5 (pet) dana od dana zaprimanja Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostavi originalne ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

U skladu sa navedenim Komisija za javnu nabavku roba, radova i usluga je predložila Općinskoj načelnici da stavi van snage Odluku o izboru najpovoljnijeg ponuđača broj: 13-11-4-5435/26 od 13.08.2026. godine, te postupajući u skladu sa odredbama člana 69. stav (1) tačka b) Zakona o javnim nabavkama donese Odluku o poništenju postupka javne nabavke roba „Nabavka opreme za Službu za spašavanje sa visina“.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



DOSTAVLJENO:

- NEXIS d.o.o. Sarajevo
- FIRE TRADE d.o.o. Srebrenik
- AQUA BALKAN d.o.o. Konjic

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



